

**CENTRALNA BANKA
BOSNE I HERCEGOVINE**

Broj: 150-15-4-1846-²³/20 MM
Sarajevo, 30.12. 2020. godine

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (2) tačka b) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

ODLUKU

o izboru najpovoljnijeg ponuđača u postupku javne nabavke usluge – mobilne telefonije za potrebe Filijale Centralne banke Bosne i Hercegovine na Palama – LOT 6

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluge – mobilne telefonije za potrebe Filijale Centralne banke Bosne i Hercegovine na Palama – LOT 6, putem konkurentskog zahtjeva za dostavu ponuda, na period od jedne godine, dodjeljuje ponuđaču Mtel a.d. Banja Luka, u svemu prema Ponudi broj: 1-04-74-8572-6/20 godine od 17.12.2020. godine.

Član 2.

Ponuda ponuđača iz člana 1. ove odluke, nakon održane e-aukcije, glasi na iznos od:

450,83 KM bez uračunatog PDV-a
(slovima: četrstotinepedeset konvertibilnih maraka i 83/100)

odnosno

527,47 KM sa uračunatim PDV-om
(slovima: petstotinadvadesetsedam konvertibilnih maraka i 47/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum, za čije se izvršenje zadužuje Filijala Centralne banke Bosne i Hercegovine na Palama (u daljem tekstu: Filijala Pale).

Član 4.

Za realizaciju ove odluke zadužuju se Filijala Pale, Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

Član 5.

Ova odluka će se objaviti na web stranici Centralne banke www.cbbh.ba, istovremeno sa upućivanjem obavještenja o rezultatima postupka ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14).

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke usluge – mobilne telefonije, putem konkurentskog zahtjeva za dostavu ponuda, pokrenut je Odlukom o pokretanju postupka, broj: 150-15-4-1846-2/20 MM od 14.09.2020. godine. U skladu s tim, Centralna banka je 03.11.2020. godine na portalu Javnih nabavki objavila Obavještenje o nabavci broj: 1370-7-2-388-3-280/20, te uputila Poziv za preuzimanje Tenderske dokumentacije putem konkurentskog zahtjeva sljedećim ponuđačima:

- a) HT Eronet,
- b) BH Telecom,
- c) M:TEL.

U roku određenom za prijem ponuda, odnosno do 18.12.2020. godine blagovremeno su dostavljene dvije ponude slijedećih ponuđača za LOT 6 :

- BH TELECOM d.d., Direkcija Sarajevo, Zmaja od Bosne 88, 71 000 Sarajevo,
- Mtel a.d. , Vuka Karadžića 2, 78 000 Banja Luka.

Komisija za provođenje postupka javne nabavke je izvršila pregled i ocjenu ponude i konstatovala da ponude ispunjavaju sve uslove utvrđene u tenderskoj dokumentaciji. Sa navedena dva ponuđača je zakazana e-aukcija za dan 25.12.2020. godine. Po završetku e-aukcije prvoplasirana ponuda za LOT 6 je ponuda ponuđača Mtel a.d. Banja Luka.

Komisija je u svom Zapisniku o pregledu i ocjeni ponuda, broj: 149-15-4-2343-6/20 od 25.12.2020. godine i Izvještaju o radu komisije sa Preporukom broj: 149-15-4-2343-7/20 od 25.12.2020. godine dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 5 dana od dana prijema ove odluke.

 **GUVERNER**
dr. Senad Softić
dr. Senad Softić

Dostaviti:

- guverneru
- viceguvernerima
- uredu glavnog internog revizora
- predsjedniku i članovima komisije
- Odjeljenju za računovodstvo i finansije (original)
- Odjeljenju za javne nabavke (original)
- u spis predmeta (original)
- Filijala Pale
- arhiva